

第〇七六冊

方輿彙編

職方典

盛京總部

奉天府部

錦州府部

(卷)

一五——一六

一六——一七

一七——一八

古今圖書集成

中華書局影印

古今圖書集成

卷一百一十五

目錄

卷一百一十五

古今圖書集成

卷一百一十五

欽定古今圖書集成方輿彙編職方典

第一百六十五卷目錄

盛京總部彙考一

盛京建置沿革考

盛京疆域考 有圖 形勝附

盛京星野考

盛京城池考 有圖

盛京壇廟考

盛京宮殿考 有圖

盛京苑囿考

盛京山陵考

盛京關梁考 船隻附

職方典第一百六十五卷

盛京總部彙考一

盛京建置沿革考

總敘

通志

盛京禹貢冀青二州之域舜分冀東北爲幽州即今遼河以西之地青東北爲營州即今遼河以東之地商周爲肅慎氏地箕子避地朝鮮武王卽其地封之遂爲朝鮮界戰國則遼河左右屬燕秦以幽州爲遼西郡營州爲遼東郡武帝拓

朝鮮地置郡四曰樂浪元菟真番臨屯後改爲遼西遼東元菟樂浪四郡東漢因之復置屬國都尉漢末公孫度取之分遼東爲遼西中遼郡東方諸國多附焉魏克公孫氏置校尉居襄平分遼東昌黎元菟帶方樂浪五郡爲平州後還

合爲幽州晉唯改遼東爲國四郡隸平州如故尋爲慕容氏所據歸後魏仍爲遼東郡隋初高句麗據之唐太宗平高麗置都督府九州四十二縣百又置安東都護以統之開元初封大氏爲渤海國渤海置五京十五府六十二州而遼地始盛然自漢以來版圖所隸大抵皆今奉錦二郡所治之域未及混同江以東也遼金二祖創業定鼎闢地始廣而郡邑沿革亦多遼金皆襲渤海各置五京其三皆今

盛京所屬之地遼以金開原西北邊外臨潢爲上京今廣寧西北邊外爲中京今遼陽爲東京又東界混同江爲賓州寧江長春等州之地金以混同江以東爲上京以西爲咸平路遼之東京不改而易中京爲北京自海陵遷都於燕而金之上京廢世宗雖復之而規模非舊矣元初仍存東京尋改爲遼陽等處行中書省統路有七遼河以西曰大寧路廣寧路河以東曰東寧路遼陽路瀋陽路開元路開元以東爲合蘭府水

達達等路軍民萬戶府五而混同江南北之民分治焉明改遼東都指揮使司領衛二十五復置安樂自在二州此外雖有一百八十四衛二十所之設然非封域之內也大抵秦漢迄唐遼西之屬邑多遼金以後遼東之闢地廣元則南兼高麗北通大漠明始以山海之內隸之燕京而開元以東遂分疆圍固不獨郡縣廢而幅員亦殊矣我

太祖肇基

興京初有葉赫輝發烏喇寧古塔諸地遂由界蕃薩兒虎撫順而築新城於遼陽天命十年相險宅中以瀋陽爲王氣所聚遂增修其城爲

盛京

宮闕之制備

世祖統御六合

京師定鼎以

盛京爲畱都其地西接畿輔北臨大漠東南瀕海

順治元年悉裁諸衛設昂邦章京副都統總治

之順治十年以遼陽爲府置遼陽海城二縣寧

古塔設昂邦章京副都統諸員十四年除遼陽

府名以瀋陽爲奉天府置府尹康熙元年奉天

昂邦章京改鎮守奉天等處將軍寧古塔昂邦

章京改寧古塔將軍三年錦州改爲錦縣廣寧

改爲廣寧府設廣寧縣寧遠州四年裁廣寧府

設錦州府移駐錦縣是年奉天府又添設承德


縣及蓋平開原鐵嶺四縣遼陽改爲遼陽州自

是西抵山海關東抵開原奉天將軍統之西接

開原威遠堡東抵海濱寧古塔將軍統之編戶

之民府治所及計府二州二縣七

盛京疆域全圖



盛京疆域考

疆域

東至海四千三百餘里東海界
西至山海關八百餘里山海關界
南至海七百三十餘里海界
北至邊二百六十餘里邊界
東南至希喀塔山二千餘里朝鮮界
西南至海八百餘里海界
東北至飛牙喀四千餘里東海界
西北至九宮臺邊門四百五十餘里蒙古界
以上東西廣五千一百餘里南北袤一千餘里
而東南東北其袤數倍於西
形勝附
滄海朝宗白山拱峙渾河遼水遶帶西南黑水
混同襟環東北控制諸邦跨馭六合允
帝業之根本洵畱守之雄都

盛京星野考

奉錦二府總

爾雅幽州爲析木之次

春秋元命苞箕尾散爲幽州分爲燕國

史記天官書尾箕幽州

晉書天文志班固取三統歷十二次配十二野
其言最詳自尾十度至南斗十一度爲析木於
辰在寅燕之分野屬幽州費直說周易起尾九
度蔡邕月令章句起尾四度陳卓言郡國所入

盛京城圖

宿度以涼州入箕中十度上谷入尾一度漁陽
入尾三度古北平入尾七度西河上郡北地遼
西東入尾十度涿郡入尾十六度渤海入箕一
度樂浪入箕三度元菟入箕六度廣陽入箕九
度唐書天文志星紀得雲漢下流百川歸焉析
木爲雲漢末派山河極焉故其分野自南河下
流窮南紀之曲東南負海爲星紀自北河末派
窮北紀之曲東北負海爲析木析木以負北海
其神王於恆山辰星位焉尾箕析木津也初尾
七度餘二千七百五十秒二十一少中箕五度
終南斗八度自渤海九河之北得漢河間涿郡
廣陽及上谷漁陽右北平遼西遼東樂浪元菟
古北燕孤竹無終東方諸國尾得雲漢之末派
龜魚麗焉當九河之下流濱於渤海皆北紀之
所窮也箕與南斗相近爲遼水之陽盡朝鮮三
韓之地

宮殿建焉天命十年遷瀋陽

太宗文皇帝天聰五年因舊城增拓其制內外甃石高三丈五尺闊一丈八尺女牆七尺五寸週圍九里三百三十二步四面梁口六百五十一敵樓八座角樓四座改舊門爲八東之大東門曰撫近小東門曰內治南之大南門曰德盛小南門曰天祐西之大西門曰懷遠小西門曰外攘北之大北門曰福勝小北門曰地載池闊十四丈五尺週圍十里二百四步鐘樓一在福勝門內遂建

天壇
太廟

宮殿置內閣六部都察院理藩院等衙門尊文廟修學宮設閱武場而規模大備於是遂更名盛京

世祖章皇帝順治元年遷都


京師監往代留都之制續設將軍鎮守舊四部置府尹分蒞州縣康熙十九年奉

旨築關牆高七尺五寸週圍三十二里四十八步康熙二十一年奉

旨重修諸門城樓雉堞巍峨規制宏麗環山海而控要荒誠萬世帝業之基也

興京城

太祖高皇帝發祥之地在奉天東南二百七十里今按其城週圍五里四門群山拱護河水環潔佳氣鬱鬱葱葱上天所以開至聖矣



盛京城池考

盛京城池

太宗文皇帝天聰五年建本明瀋陽衛城池遼金曰瀋州元爲瀋陽路明洪武二十一年指揮閔忠因舊址修築週圍九里三十步高二丈五尺池二重內闊三丈深八尺週圍一十里三十步外闊三丈深八尺週圍一十一里有奇城門四我太祖龍飛興京天命三年取撫順遷界蕃城之至天命六年取遼陽於遼陽東城東京而

東京城 在太子河東離遼陽八里天命六年

建城週圍六里零十步高三丈五尺東西廣二百八十丈南北袤二百六十二丈五尺城門八東門二一日撫近一日內治西門二一日懷遠一日外攘南門二一日德盛一日天祐北門二一日福勝一日地載號曰東京天命十年遷瀋陽是爲

盛京遂於東京設城守章京康熙二十年城守移

駐金州

鳳凰城以下諸城堡雖存奉天府界而皆旗人駐軍所轄不屬于州縣故改入總都

鳳凰城 週圍三里八十步南門其始建之年無考明時設官兵於此爲邊墩要地

皇清設官兵鎮守附近城堡俱城守章京專轄不隸府縣

府縣

鳳凰城境內城堡

青苔峪堡 城西一百七十里週圍三百三十

六步南一門

蘭磐城 城西二百四十里週圍一里八十三

步南一門

黃骨島堡 城西南二百五十五里週圍一里

二百五十五步南一門

雪里站城 城西北四十里週圍二里一百二

十四步南門曰鎮東明弘治四年立

通遠堡城 城西北一百里週圍一里二百十

步南門左一山城相隔二里週圍一里九十步

西門右一新城相隔二里週圍一里六十步南

門

甜水站城 城西北一百八十里週圍三里九十步南北二門南門曰甜水站堡有塔

草河城 城西北一百二十里週圍一里一百六十步南一門

石城 卽石頭城城北六十九里週圍二里一百步南一門

孤山城 城北二百五里週圍二里三十步南一門

一堵牆 城北二百七十里週圍三里六十步東南二門

豐陽城 城北一百二十八里週圍三里一百二十步西南二門南門曰豐陽城西一郭城週圍一里九十步南門上亦有豐陽城三字

灤馬古城 城北二百四十五里週圍一里六十步南一門

湯山城 城東南五十里

鎮江城 城東南一百里

宣城 城東南一百七十里

娘娘城 城東南一百四十里

湯池 城東四十里

寬奠堡 城東北二百九十里

永奠 城東二百七十里自湯山城至此俱係邊外

金州

金州城 卽明金州衛城也舊係土城洪武四年指揮馬雲業旺增築十年指揮韋富包砌週圍六里高三丈五尺池深一丈七尺闊六丈五

尺門四東曰春和南曰承恩西曰寧海北曰永安今按其城週圍五里二百一十六步池淤康熙三年設蓋平縣爲縣屬巡檢治之二十年歸旗附近城堡屬城守所轄

金州境內城堡

王官寨 城東南三十里週圍二百四十二步南北二門城壞

木廠驛 城西南六十里週圍二里二百四十一步南北二門

山澗鋪 城西南九十里週圍一里二百四十步南北二門城壞

舊旅順城 城西南一百二十里週圍二里五十五步南一門城壞

旅順城 城西南一百二十里週圍一里二百十八步東一門城壞

木羊城 城西南一百五十里週圍二里二百四十五步東一門城壞

鹽場堡 城西北一百七十里週圍一里一百四十五步南一門城壞

石河驛 城六十里週圍一里二百四十五步南北二門城壞

字蘭鋪 城九十里週圍一里二百四十六步一門城壞

樂古城 城東北一百二十里詳蓋州

紅嘴堡 城東北一百二十里週圍二里一百八十步一門城壞

城壞鳳凰城界

盛京壇廟考

天壇 在德盛門關外設

圓丘週圍一百十丈南門三東西北門各一我

皇清初渡船一隻卽遼河承德鐵嶺交界處額

天之所順治元年遷都

京師大典專在京師舉行

太廟 在撫近門外大殿五間前殿三間大門三間大門傍東西角門二間大殿後房六間週圍廣三十五丈袤四十丈我

皇清初祀

列祖之所順治元年遷都立

太廟於

京師大典專在

京師舉行

興京顯祐宮 卽玉皇廟在城之東北

國初建崇德十七年置道士順治六年

賜道士布疋十五年

賜名顯祐宮立碑康熙二十一年

賜供器十六事

興京顯祐宮碑文

自古帝王統御天下必以仁義爲本尤懋恭肅而崇祀明神蓋期國祚熙昌俾兆民罔不康寧之故欽惟

神莫大於

昊天而事莫隆於開創虔恪之志益當加倍尋常惟茲

興京所建

顯祐宮始於締造之初昭事

上帝之所其關甚重運祚靈長神實啓之臣民瞻仰神

實迪之是以國家膺圖御錄固我

太祖武皇帝

太宗文皇帝開駿業而肇鴻基本仁義而施政教所致

然荷茲

天眷者豈非誠敬萬靈懷柔河嶽之故歟是以

天無所不在事

天之心卽無時不謹稽王業所自始地壇神臯遡

祖德所潛通歆居

上帝朕夙夜寅恭冀登上理睠念受命發祥之地益深

欽

天率

祖之思已命所司繕整惟新春秋禮祀載表功德樹豐

碑以傳不朽於戲艱難不昧常懷對越之誠丹

雘丕章末保岡陵之固後之子孫臣庶其無忘

朕敬事之意焉

景祐宮 卽三官廟也明時創建萬曆丙戌年

重修

國初崇德六年

勅選道士在廟焚修七年給人役園地道士給衣糧

順治九年奉

旨重修十四年增道士置鐘磬立碑康熙十年

駕幸廟

賜銀一千兩令道士酌量修補二十一年

駕臨幸

御書昭格二字扁於大殿

賜名景祐宮

盛京景祐宮碑文

自古帝王之興莫不首隆祀典凡有功德於民者皆爲建壇宇而通胙蠶蓋神既祐民以福國則國必崇祀以報神此廟貌之所由隆也我

太祖

太宗手定大業拯斯民於塗炭膺景祚之綿長雖積功

累仁所致而百神之靈實式憑之

大清門東三官廟九神最顯赫而及民功德爲最著

者考之道書三官廟之神有天地水府之別國

家當干戈擾攘之際急圖康阜使時和年豐室

廬相慶則天官賜福主之其或貫索未空金氣

猶沴使斯民秉德格非遠刑罰而登仁壽則地

官赦罪主之又或大軍之致凶年大荒之致奇

疫滌其眚災而消其害氣則水官解厄主之然

則使民富足使民樂利使民康寧而因以默祐


我邦家孰非神之賜也歟嗚乎

發祥重地永藉呵護之靈凡我生民咸蒙又安之福

爰命勒石用表神功以垂不朽云

堂子 在城東撫近門外
皇清勅建

盛京宮殿圖



盛京宮殿考

大政殿崇德二年建在城之中殿制八隅左右列署

凡十爲諸王議大政之所順治元年遷都

京師今奉天文武各官上

朝如制

大內宮闕崇德二年建在殿之右南北袤八十五丈

三尺東西廣三十二丈二尺其外大門曰

大清門門之東西有奏樂亭左闕門曰文德右闕門

曰武功其內爲

崇政殿殿之後爲
鳳凰樓樓之後爲
清寧宮其東爲

東宮西爲

西宮

大清門之東則今內務府治事之所

宮殿歲時修理皆內務府董其事康熙十一年奉

旨會同工部重修

東京

宮殿

國初建 在城內今管理驛站章京守護

白虎殿 在千山今存基址

盛京苑囿考

御花園 在城西北五里

國初建順治十三年改爲長寧寺

禮部所司園池

遼陽州梨園一羊臘峪梨園一三塊石梨園一

邢鎮撫屯梨園一安平栗子園一石橋子花紅

園一磐勝堡花紅園一城南養魚池一墩子泊

一城西蓮花泊一城東養猪園一城南黑牛園

一以上園池牧地皆

盛京禮部司之以供
國家祀典

內務府所司諸園

遼河以東菓園九十處

盛京內務府司之

遼河以西菓園七十五處

京師內務府司之歲時取以進

御

盛京山陵考

永陵 山曰開運在奉天府城東二百五十里殿曰

啓運奉

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后神位順治十二年十八年先後立碑

福陵 山曰天柱在奉天府城東北二十里殿曰

隆恩奉

太祖高皇帝

高皇后神位

太妃在陵之右

昭陵 山曰隆業在奉天府城西北十里殿曰

隆恩奉

太宗文皇帝
文皇后神位

貴妃在陵之右

二陵各設總管及掌關防官八旗章京等員四季祀典

清明冬至各隨憲曆七月十五及歲暮爲定期

薦新各隨其時主祭官自順治元年至十七年

京師遣宗室以下覺羅阿達哈哈番以上或內大

臣或

盛京昂邦章京副都統侍郎協領等官主祭十七

年遣輔國公及護國將軍宗室聶克色覺羅阿

達哈哈番趙班昂古特駐

盛京主祭康熙八年

京師又遣貝勒以下鎮國將軍覺羅阿思哈尼哈

番以上主祭康熙十八年始定奉天將軍及副

都統四部侍郎主祭

京師太常寺先期開列請

旨

盛京禮部遣讀祝官各一員贊禮官各二員隨祭

惟十月初一日各總管主之

福

昭兩陵忌辰

兩陵總管主祭每年三月十八日恭遇

萬壽聖節總管設祭於

福

昭兩陵每月朔望俱掌關防官行禮奉天文武三品以

上官謁

陵凡三品以上文武官往來道經奉天俱謁

陵如制

肇祖原皇帝碑文

粵稽書稱觀德詩味發祥莫不由本支而遡厥

初生祇享假以垂夫來葉既隆報本之典亦昭

受命之符洪惟我

肇祖原皇帝暨

原皇后德合天地功配陰陽似后稷聿始周謨同帝嚳

肇開唐業啓迪

列聖雄圖衍百禩家傳默佑冲人大統懋九圍帝業顧

瞻

陵廟彌嚴祇敬之心鐫勒碑銘益篤靈承之慶上年卜

世光華宣著千秋以祀以禮繼述遐昌奕代昭

垂有永申錫無疆

興祖直皇帝碑文

稽承家之遐慶遡開國之鴻圖積德累仁發祥

有自肇基垂統錫祉無疆洪惟我

興祖直皇帝暨

直皇后誕樹厥德聿宣乃武雖大勳未集而經綸已建

當草昧初開而謨烈允光令緒昭垂皇圖式啓

迨予冲人承茲丕緒蒞九土之率從合萬國之

愛戴

陵原重建治篤祐之歡心

廟貌鼎新彰開天之盛烈永錫遐祚萬禩承庥

景祖翼皇帝碑文

粵稽祖德攸崇爰啓承家之緒宗功有永益隆

篤祐之思蓋追盛業以遡開天宜紀鴻勳以昭

受命既彰發祥之有自更申錫福之無疆洪惟

我

景祖翼皇帝暨

翼皇后弘謨大烈厚澤深仁雖未集耆定之勳而不宣

有象實始建經綸之業而式廓用光令緒丕昭

已見六州歸命皇圖肇造先占率土傾心

原廟重新弓劍衣冠皆起羹牆之慕

山陵永奠子孫臣庶咸蒙佑啓之仁爰勒豐功作本支

之百世載揚休烈錫嘉祉於千秋繼述遐昌昭

垂不替

盛京關梁考

關梁在州縣地方者分入奉錦二府
其不在州縣而屬將軍所轄者入於
總部俱從通志改分於
此而船隻亦附於後

興京

頭道關 卽牙兒哈山在城西四十里

二道關 卽大民關在城西四十二里

三道關 卽札喀山在城西六十二里以上三

關其建置之年無考

十關 二處一在城南六十里一在城南一百

里俱久廢其名莫考

鳳凰城

連山關 按明一統志在都司東南一百八十

里朝鮮入貢之道今在鳳凰城界內

大片嶺關 按明一統志在海州衛東一百十

里今在鳳凰城界內久廢

金州

旅順口關 按明一統志在金州衛南一百二

十里海運舟至此登岸今廢

蕭家島關 在金州衛東北一百五十里今亦

廢

公王壩橋 在城西北一百九十里

寧遠州 通志以山海關入寧遠城池之後但此關為舊都要地又係將軍所轄故入此

山海關 州城西南二百里老城週圍七里四

十步西羅城週圍六里東羅城週圍三里一百

四十六步南新城週圍二里半南北門二北新

城週圍一里四十二步南北門二寧海城週圍

一里七十二步西北門二按明一統志云在撫

寧縣東其北為山其南為海相距不數里實險

要之地明洪武時徐達移榆關于北故今名又

曰五花城連環五座故名相傳為唐太宗征遼

時所築今按其城老城之外有西羅東羅南新

北新寧海之名為畿輔留都咽喉重地其城守

各官皆為奉天將軍管轄

邊門附

鳳凰城門 鳳凰城西南十里

驍河門 即愛哈門鳳凰城北一百二十里以

上二門鳳凰城防守尉所轄

興京邊門 興京東南三十里

肅廠門 即加木禪門南一百四十里以上二

門

興京防守尉所轄

英額門 開原東二百里

威遠堡門 開原東北三十里

發庫門 開原東北三十里以上三門開原防

守尉所轄

廣寧防守尉所轄

白土廠門 義州東北一百三十里

清河門 義州東北五十五里

九官臺門 義州西北三十里以上三門義州

城守尉所轄

松嶺子門 錦州西北九十里

長嶺山門 錦州西北九十里以上二門錦州

城守尉所轄

新臺門 山海關東北二百三十里

黑山口門 山海關東北二百三十里

高臺堡門 山海關東北一百二十里

平川營門 山海關北八十六里以上四門山

海關城守尉所轄自鳳凰城西至山海關週圍

一千八百餘里共十七門每門設立防禦官兵

前後續撥壯丁居之

布兒德庫蘇把兒漢門 船廠西北五百六十

八里

黑兒蘇門 船廠西北四百六十七里

易屯門 船廠西北百九十里

發忒哈門 船廠北一百二十里以上四門寧

古塔將軍所轄自威遠堡東北至發忒哈山每

門俱設官兵防禦

船隻附

遼河渡船二十二隻 在承德縣西額設水手

五十七名

十方寺渡船一隻 即遼河承德鐵嶺交界處

額設水手十二名

渾河渡船二隻 在承德縣南額設水手四十

名

范河槽船二隻 在鐵嶺縣界額設水手二十

名以上船隻係承德縣管理

太子河渡船二隻 在遼陽州城東額設水手

二十名以上船隻係遼陽州管理

三汊河渡船一隻 在海城縣西額設水手二

十名以上船隻係海城縣管理

清河槽船二隻 在開原縣城南額設水手二

十名

黑木裏槽船二隻 即蘇子河在

興京界額設水手十三名

轂勒槽船二隻 即蘇子河在

興京界額設水手十二名以上船隻係開原縣管

理

柴河槽船二隻 在鐵嶺縣城北額設水手二

十名

窪瑚木槽船二隻 即渾河在

興京界額設水手十三名

木起槽船二隻 即蘇子河在

興京界額設水手十三名以上船隻係鐵嶺縣管

理

大凌河渡船二隻 在錦縣城東額設水手五

十名

小凌河渡船二隻 在錦縣城西額設水手二

十名以上船隻係錦縣管理

船廠船六十四隻 順治十五年造四十四隻

康熙七年造二十隻

大船七十隻 康熙二十二年造以上船隻係

寧古塔將軍管理

遼河運糧船一百隻 康熙二十二年造

易屯河運糧船一百隻 康熙二十二年造

混同江運糧大船八十隻 康熙二十二年造

五十隻康熙二十三年造三十隻康熙二十二年

年二月內

上念烏喇水陸重鎮輸輓維艱特

命盛京刑部侍郎噶爾圖防守協領殷達渾相視可

達混同河道繪圖進呈復遣圖等乘小舟自遼

河遣烏喇副都統瓦力虎等自易屯測河其水

道淺深覆奏奉

旨設倉四處內地設於巨流河之開城邊外設於鄧

子村烏喇設於易屯門及易屯口農隙之時運

米貯於開城倉內以春秋二季舟運至鄧子村

交卸自鄧子村至易屯門百里無水路車運至

易屯門倉內由易屯河舟運出易屯口竟達混

同江其遼河易屯河俱造運船百隻以瀛臺白

剪油船爲式俱加長三丈五尺闊七尺高二尺

五寸每隻載米六十倉石爲率其混同江用大

船八十隻接運每船載米二百石爲率其遼河

運丁滿兵三百名奉天所屬各州縣分派水手

六百名每一月給銀一兩仍免其丁地易屯河

及混同江水手俱由寧古塔將軍分派歲以爲

常自此輸輓不勞而飽騰有賴皆我

皇上睿算神謨卓越千古矣以上遼河運糧船係

盛京工部管理易屯河混同江運船仍係寧古塔
將軍管理

欽定古今圖書集成方輿彙編職方典

第一百六十六卷目錄

盛京總部彙考二

盛京公署考

盛京戶口考

盛京田賦考

盛京兵制考

職方典第一百六十六卷

盛京總部彙考二

盛京公署考

盛京

通志

將軍公署 在德盛門內街東天聰六年設立

六部時爲吏部衙門順治元年遷都奉裁康熙

十三年重修爲鎮守奉天等處將軍公署大堂

三間司房六間儀門五間大門三間倉城內西

南隅康熙二十年建共十間火藥庫城內東南

隅共八間教場城外西北隅

戶部公署 在德盛門街東天聰六年設立六

部時建今因之大堂三間司房五間儀門五間

大門三間倉共三處一在德盛門內房屋十七

間一在城南五里房屋一十二間一在

興京城北房屋十間庫在德盛門內共一十四間

樓八間草場在城外東邊牆內

稅課司公署 在城內西北隅房屋六間

禮部公署 在德盛門內街東天聰六年設立

六部時建今因之大堂五間廂房三間大樓三

間小樓二間大門三間菓房一所在衙門內冰

窖一所在衙門內梨窖一所在衙門內朝鮮使

館在德盛門內正房五間兩廂房十間大門三

間

國初建

僧錄司 在崇壽寺

道錄司 在都城隍廟

刑部公署 在懷遠門內街西天聰六年建順

治元年遷都奉裁康熙三年復設衙門重修大

堂五間南司房三間北司房三間川堂三間前

堂五間南司房三間北司房三間儀門一座大

門三間牢在城內西北隅三間重犯羈候於此

餘俱八門鎖禁

工部公署 天聰六年設立六部在懷遠門街

西順治元年遷都後改德盛門內街東大堂三

間後堂三間川堂五間廂房四間大門三間顏

料庫在懷遠門東南樓房五間廂房三間匠作

房五間柴倉城東南邊牆內

內務府公署 在大清門外之東其前一座東

西相對廂房六間文書房一間後一座東邊樓

房五間樓南廂房五間樓北廂房三間崇德二

年建順治元年遷都後爲內務府佐領治事公

所倉在衙門後向北二十八間庫在大清門內

之西樓七間其南轉角樓十間織造府在銀庫

之後向東六間向西三間棉花庫三間鐵庫三

間

永陵 總管公署未設

掌關防官公署未設

福陵 總管公署三間西一里

掌關防官公署未設

昭陵 總管公署三間東南三里

掌關防官公署三間西南三里

盛京戶口考

總敘

順治十年十月初設遼陽府遼陽海城二縣其

錦州寧遠廣寧沙後四城尚屬佐領所轄順治

十五年五月於

盛京設奉天府康熙元年錦州改爲縣康熙三年

奉天府添設承德蓋平開原鐵嶺四縣遼陽縣

改爲州廣寧改爲府添設廣寧縣寧遠州五年

廣寧府改爲錦州府而錦縣寧遠州廣寧縣屬

焉州縣新設戶無舊籍丁鮮原額俱係招民二

年起科其徙民於康熙七年歸併承德開原鐵

嶺三縣爲民即於本年起科其續發到者仍三

年後起科奉天府屬每丁徵銀一錢五分錦州

府屬每丁徵銀二錢今將二府歷年人丁編審

數目及各州縣見在丁銀詳列於後

歷年人丁數目

順治十七年遼陽海城新增人丁三千七百二

十三丁徵銀五百五十八兩四錢五分

順治十八年金州新增人丁二百二十九丁徵銀三十四兩三錢五分金州巡檢徵收康熙四年歸蓋平縣管轄

順治十五年至十八年錦寧沙後廣寧四城新增人丁一千六百五丁徵銀三百二十一兩佐領徵收康熙元年歸錦縣管轄

康熙元年遼海金州三處新增人丁四百二十丁徵銀六十三兩內金州人丁五十丁康熙四年歸蓋平縣管轄

康熙元年錦縣新增人丁一百三十丁徵銀一十九兩五錢

康熙二年錦縣新增人丁二千六十五丁徵銀四百一十三兩

康熙三年遼陽金州新增人丁一百六十五丁徵銀二十四兩七錢五分內金州人丁二十丁

康熙四年歸蓋平縣遼陽州三年以前舊管新增人丁內四年分撥一百九十八丁與承德縣管轄

康熙三年錦縣新增人丁四百一十丁徵銀八十二兩以上錦寧沙後廣寧四城總歸錦縣收

併元二三年新增人丁共四千七百七十三丁四年分撥一千五百八十九丁與寧遠州又分撥八百四十七丁與廣寧縣管轄

康熙四年承遼海蓋四州縣新增人丁四百八十九丁徵銀七十三兩三錢五分

康熙五年承德縣新增人丁一百五十四丁徵銀二十三兩一錢

康熙七年承德等六州縣新增人丁二千六百四十三丁徵銀三百九十六兩四錢五分

康熙七年錦寧廣新增人丁三千九百一十七丁徵銀七百八十三兩四錢

康熙七年始行編審原額新增通共一萬六千六百四十三丁內九州縣共增人丁四千二百零七丁

康熙八年承鐵海蓋開五縣新增人丁八百六十丁徵銀一百二十九兩

康熙八年錦寧廣新增人丁三百三十丁徵銀六十六兩

康熙九年承鐵開蓋四縣新增人丁一千七百九十二丁徵銀二百六十八兩八錢

康熙九年錦縣廣寧新增人丁七百七十六丁徵銀一百五十五兩二錢

康熙十年承遼鐵蓋開五州縣新增人丁二千三百九十七丁徵銀三百五十九兩五錢五分

康熙十年錦寧廣新增人丁五百六十一丁徵銀一百一十二兩二錢

康熙十年接戶部劄為請明編審人丁事內開奉天所屬地方人丁該府尹已於七年編審報部在案應按年扣算照直省例五年一次編審報部

康熙十一年承鐵蓋開四縣新增人丁一百七十丁徵銀二十五兩五錢

康熙十一年錦縣寧遠新增人丁三百二十一丁徵銀六十四兩二錢

康熙十二年承德等六州縣新增人丁五百九十四丁內除渡夫三十一丁實新增人丁五百六十三丁徵銀八十四兩四錢五分

康熙十二年錦寧廣新增人丁一千三百一十丁徵銀二百六十二兩

康熙十二年編審原額新增通共二萬五千七百二十三丁內九州縣共增人丁一千八百四十四丁

康熙十二年接戶部劄為編審為經國之要務開嗣后各省編審人丁年月俱應定為畫一於康熙十五年編審

康熙十三年承鐵海開四縣新增人丁一百五十五丁內除渡夫二十三丁實新增人丁一百三十二丁徵銀一十九兩八錢

康熙十三年寧遠廣寧新增人丁一百八十一丁徵銀三十六兩二錢

康熙十四年承鐵開三縣新增人丁一百二十丁內除渡夫一百四十六丁增減相抵外實除渡夫二十六丁免銀三兩九錢

康熙十五年承德等六州縣新增人丁二百五十五丁徵銀三十八兩二錢五分

康熙十五年錦寧廣新增人丁四百四十八丁徵銀八十九兩六錢

康熙十五年編審原額新增通共二萬六千七百一十三丁內九州縣共增人丁七百零三丁

康熙十六年承遼鐵開四州縣新增人丁二百二十丁徵銀三十三兩

康熙十六年錦寧廣新增人丁四百七十丁徵銀九十四兩

康熙十七年承鐵海開四縣新增人丁五丁徵銀七錢五分

康熙十八年承遼鐵蓋海五州縣新增人丁一百五十丁內除巨流水手二丁實新增人丁一百四十八丁徵銀二十二兩二錢

康熙十八年錦寧廣新增人丁四百一十二丁徵銀八十二兩二錢

康熙十九年承德等六州縣新增人丁九十六丁徵銀一十四兩四錢

康熙十九年錦寧廣新增人丁二百六十二丁徵銀五十二兩四錢

康熙二十年承遼鐵海開五州縣新增人丁二百七十九丁徵銀四十一兩八錢五分除蓋平縣金州編兵入旗并缺額人丁六百四十八丁免銀九十七兩二錢

康熙二十年錦寧廣新增人丁七百六十八丁徵銀一百五十三兩六錢

康熙二十年編審原額新增通共二萬八千七百二十四丁內九州縣共增人丁一千四十七丁

康熙二十年奉錦二府編審現在丁銀數目實在行差人丁共二萬八千七百二十四丁徵銀五千三十五兩其康熙二十一年二十二年新增開除人丁未經編審槩不造入

奉天府屬

承德縣

原額并新增實在行差共人丁二千九百四十三丁每丁徵銀一錢五分共徵銀四百四十一兩四錢五分

遼陽州

原額并新增實在行差共人丁三千三百九十三丁每丁徵銀一錢五分共徵銀五百零八兩九錢五分

海城縣

原額并新增實在行差共人丁二千五百五十八丁每丁徵銀一錢五分共徵銀三百八十三兩七錢

蓋平縣

原額并新增實在行差共人丁一千零八十八丁每丁徵銀一錢五分共徵銀一百五十二兩七錢

開原縣

原額并新增實在行差共人丁二千一百六十二丁每丁徵銀一錢五分共徵銀三百二十四兩三錢

鐵嶺縣

原額并新增實在行差共人丁二千一百二十二丁每丁徵銀一錢五分共徵銀三百一十八兩三錢

錦州府屬

錦縣

原額并新增實在行差共人丁六千八百零一

丁每丁徵銀二錢共徵銀一千三百六十兩四錢

寧遠州

原額并新增實在行差共人丁五千二百七十一丁每丁徵銀二錢共徵銀一千零五十四兩二錢

廣寧縣

原額并新增實在行差共人丁二千四百五十六丁每丁徵銀二錢共徵銀四百九十兩二錢

盛京田賦考

稅課官莊八旗田畝附

總敘

新設府州縣向無原額俱係新墾荒地康熙十一年以前係三年後起科十一年以後十年起科十五年以後仍舊三年起科十八年以後定為六年起科不分等則每畝徵銀三分不加開今將二府歷年地畝及各州縣現在地畝徵銀數目詳列於後其各州縣設立之年已詳戶口志歷年地畝數目

順治十五十六十七十八等年遼陽海城起科地四萬八千一百六十五畝四分四釐四毫二絲徵銀一千四百四十四兩九錢六分三釐三毫二絲六忽

順治十八年金州起科地七千一百六十七畝六分八釐徵銀二百一十五兩三分四毫金州巡檢徵收康熙四年歸與蓋平縣管轄

順治十八年錦寧沙後廣寧四城起科地五千六百畝徵銀一百六十八兩佐領徵收康熙元

年歸與錦縣管轄

康熙元年遼陽州起科地一十六畝五分徵銀四錢九分五釐

康熙元年金州起科地二分四釐六毫徵銀七釐三毫八絲康熙四年歸與蓋平縣管轄

康熙二年遼陽海城起科地二百三十三畝一分二釐徵銀六兩九錢九分二釐六毫

康熙二年金州起科地一百七十八畝五分徵銀五兩三錢五分五釐康熙四年歸與蓋平縣管轄

康熙二年錦縣起地一千九百五十畝徵銀五十八兩五錢

以上錦寧沙後廣寧四城總歸錦縣收併二年新增共地七千五百五十四畝四年分撥四千五十畝六分與寧遠州又分撥二千一百五十畝二分與廣寧縣管轄

康熙三年遼陽州起科地一百三十畝一分徵銀三兩九錢三釐

康熙四年遼陽海城蓋平三州縣起科地一千四十二畝二分徵銀三十一兩二錢六分六釐

康熙五年遼陽州起科地一百七十二畝徵銀五兩一錢六分

康熙五年寧遠廣寧起科地四千三百六十五畝徵銀一百三十兩九錢五分

康熙六年遼海蓋三州縣起科地二千九十二畝徵銀六十二兩七錢六分

康熙六年寧遠州起科地二百畝徵銀六兩

康熙七年承遼鐵開四州縣起科地二千一百四十六畝一分一釐徵銀六十四兩三錢八分三釐三毫

康熙七年錦縣寧遠起科地八千一百九畝九分徵銀二百四十三兩二錢九分七釐

康熙八年承德等六州縣起科地七千七百三十七畝徵銀二百二兩一錢一分

康熙八年錦寧廣起科地一萬五千五百四十九畝內除廣寧縣退還站道地四千一十五畝淨地一萬一千五百三十四畝徵銀三百四十六兩二分

康熙九年承遼鐵開蓋五州縣起科地二萬五千三百九十三畝徵銀七百六十一兩七錢九分

康熙九年承遼鐵開蓋五州縣起科地二萬五千三百九十三畝徵銀七百六十一兩七錢九分

康熙九年承遼鐵開蓋五州縣起科地二萬五千三百九十三畝徵銀七百六十一兩七錢九分

康熙九年錦寧廣起科地一萬四千三百五十六畝內除錦縣小凌河水手地五百畝淨地一萬三千八百五十六畝徵銀四百一十五兩六錢八分

康熙十年承遼鐵開蓋五州縣起科地五萬一千八百六十一畝七分徵銀一千五百五十五兩八錢五分一釐

康熙十年錦寧廣起科地一萬三千三百二十六畝六分徵銀三百九十九兩七錢九分八釐

康熙十一年承遼等六州縣起科地二萬一千

八百四十四畝七分八釐徵銀六百五十五兩三錢四分三釐四毫

康熙十一年寧遠廣寧起科地一萬二千九百三十一畝六分徵銀三百八十七兩九錢四分八釐

康熙十三年寧遠州起科地五十畝徵銀一兩五錢

康熙十四年寧遠州起科地一百畝徵銀三兩

康熙十五年承遼等六州縣起科地二萬一千七百五十八畝一分一釐一毫徵銀六百五十二兩七錢四分三釐三毫三絲

康熙十五年錦寧廣起科地三萬二百四十四畝九分徵銀九百七兩二錢四分七釐

康熙十七年承德等六州縣自首隱地七千三百四十五畝六分徵銀二百二十兩三錢六分八釐

康熙十七年錦寧廣自首隱地二萬七千五百二十四畝九分徵銀八百二十五兩七錢四分七釐

康熙十八年承德蓋平起科地八百六十四畝內除承德縣渾河水手地四百六十畝淨地四百四十畝徵銀一十二兩一錢二分

康熙十八年錦寧廣起科地二百三十二畝三分徵銀六兩九錢六分九釐

康熙十九年承德縣收正黃旗武爾氣佐領下擺牙喇四哥遺下六個壯丁熟地一百八十畝徵銀五兩四錢

康熙十九年錦寧廣起科地六百一十四畝九分徵銀一十八兩四錢四分七釐

康熙二十年承海蓋三縣起科地三千五百三十畝徵銀一百五兩九錢除承德蓋平二縣金州編兵入旗並正黃旗武爾氣佐領下擺牙喇四哥遺下六個壯丁熟地一萬二千七十八畝三分七釐免銀三百六十二兩三錢五分一釐三毫一絲

康熙二十年寧遠州自首隱地二十九畝二分徵銀八錢七分六釐

康熙二十一年海城縣開除平南王尚可喜下隱地三千零八十八畝共除銀九十二兩四錢

康熙二十二年寧遠廣寧自首隱地二百五十畝二分徵銀七兩五錢九釐除遼陽海城蓋平鐵嶺開原錦縣寧遠廣寧八州縣運糧水手地三千三百畝零五釐二毫八絲七忽共除地銀九十九兩零一釐八毫八絲六忽一微

康熙二十二年奉錦二府現在地畝徵銀數目實在原額并新增共地三十一萬二千八百五十九畝二分六釐一毫三絲三忽共徵銀九千三百八十五兩七錢七分七釐八毫三絲九忽九微

奉天府屬承德縣

原額并新增共地三萬四千一百五十六畝五分每畝徵銀三分共徵銀一千零二十四兩六錢九分五釐

遼陽州

原額并新增共地二萬九千九百三十五畝九分八釐八毫三絲三忽每畝徵銀三分共徵銀八百九十八兩零七分九釐六毫四絲九忽海城縣

原額并新增共地三萬零八百八十一畝三分四釐三毫每畝徵銀三分共徵銀九百二十六兩四錢四分零二毫九絲蓋平縣

原額并新增共地一萬六千三百六十四畝二分九釐每畝徵銀三分共徵銀四百九十兩零九錢二分八釐七毫開原縣

鐵嶺縣

原額并新增共地三萬三千四百零七畝五分五釐每畝徵銀三分共徵銀一千零二兩二錢二分五釐

錦州府屬錦縣

原額并新增共地六萬零六百一十九畝一分每畝徵銀三分共徵銀一千八百一十八兩五錢七分三釐

寧遠州

原額并新增共地四萬八千五百八十六畝二

分每畝徵銀三分共徵銀一千四百五十七兩五錢八分二釐

廣寧縣

原額并新增共地二萬零六百九十八畝五分每畝徵銀三分共徵銀六百二十兩零九錢五分五釐

盛京稅課附

順治元年凡貿易牛馬騾驢猪羊等稅稅課司每兩稅銀三分原無定額

順治十五年春奉戶部文奉天遼陽海城二縣牲畜牙行等稅以十七年為始照例每兩三分徵收原無定額嗣後續設州縣俱照例行

康熙四年奉戶部文奉天府牙帖稅銀責成通判將州縣收過稅銀察核造冊報部其錦寧廣三州縣自行徵解奉天府轉送

盛京戶部牙帖多寡亦無定數州縣每年每張徵銀一兩二錢其通判衙門分上中下三則每年每張一兩五錢二兩不等

康熙九年承德縣牛馬等稅歸稅課司稅務官筆帖式查收斗秤牙行等稅仍係通判徵收

康熙十五年奉戶部題請增稅銀二千一百三十兩

康熙十六年奉戶部文增鋪戶行戶經紀等稅旗民一體照例輸納歸於奉天府通判徵收

康熙十九年又奉戶部題請增稅銀以三千兩為定額

康熙十九年奉戶部文各城雜稅歸於駐防城

守徵收除承遼鐵三處無駐防城守者仍歸奉天府通判督徵其餘各城守地方俱由城守徵收每年五月十一月兩次解送將軍衙門惟金州城守止報所收數目存貯金州爲修理城池之用

康熙十九年奉戶部文徵收煙稅每斤二釐二十二年十一月奉文停止

歷年當稅俱係

盛京戶部徵收

盛京官莊附

奉天府城東至黃泥坎官莊一處離城十五里

撫順城官莊三處離城八十里

遼湖木官莊五處離城一百二十里

穀勒官莊三處離城一百七十里

木起里官莊二處離城二百里

大湧里官莊一處離城二百二十里

官莊八旗田畝附

皇莊司於內務府故登苑園之內官莊轄於戶部故

與八旗之田同附田賦之後

官莊

奉天府城東至黃泥坎官莊一處離城十五里

撫順城官莊三處離城八十里

遼瑚木官莊五處離城一百二十里

穀勒官莊三處離城一百七十里

木起里官莊二處離城二百里

黑木里官莊二處離城二百一十里

大湧里官莊一處離城二百二十里

陰墩官莊四處離城二百五十里
府城南至渾河堡官莊一處離城十里

馬宗屯官莊一處離城十五里

夏四堡官莊一處離城二十里

火燒橋官莊一處離城三十里

韓城堡官莊一處離城四十里

三塊石官莊一處離城六十里

十里河官莊一處離城六十里

魚宗堡官莊一處離城六十里

光山屯官莊二處離城七十五里

董山堡官莊四處離城八十里

楊家灣官莊一處離城八十里

古城子官莊二處離城九十里

長灘裏官莊一處離城九十里

河功堡官莊二處離城一百里

樂家堡官莊一處離城一百一十里

高馬牆官莊三處離城一百一十里

康家堡官莊二處離城一百一十里

迎水寺官莊二處離城一百一十里

夾河官莊一處離城一百一十里

紙房官莊二處離城一百一十里

管盤官莊三處離城一百一十里

蕭堡官莊二處離城一百二十里

野老鶴灘官莊二處離城一百二十里

小屯子官莊三處離城一百二十里

平州官莊一處離城一百二十里

蛾眉莊官莊一處離城一百二十里

徐公堡官莊二處離城一百五十里

海州乾葛堡官莊三處離城二百三十里

散水沱官莊四處離城二百五十里

王齊官屯官莊一處離城二百四十里

牛莊二臺子官莊一處離城二百四十里

耀州官莊三處離城三百里

蓋州官莊六處離城三百六十里

府城西至牛心屯官莊一處離城二十里

李官堡官莊一處離城二十里

膠泥河官莊一處離城三十里

沙嶺官莊三處離城四十里

翟家堡官莊一處離城四十五里

馬貝字堡官莊三處離城五十里

竹山堡官莊二處離城五十里

昂邦牛录堡官莊一處離城五十里

潘家臺官莊三處離城六十里

章義站官莊一處離城六十五里

王綱堡官莊二處離城七十里

三臺子官莊一處離城八十里

四方臺官莊一處離城一百里

巨流河官莊二處離城一百里

楊柳木官莊一處離城一百二十里

府城北至才羅堡官莊一處離城四十五里

楊家湖官莊一處離城六十里

八里莊官莊一處離城八十里

新臺子官莊二處離城八十里

徐家湖官莊一處離城九十里